

白鹿書院志

白鹿書院志卷之八

星子縣知縣毛德琦原訂
署南康府事周兆蘭重修

學規

提學邵寶諭習士相見禮

或曰士相見古之常禮也今之士亦孰不相見禮非
難知也子習諸生於禮而以是先焉有說乎曰有人
莫貴於士士之相見非夫人之相見也故先王制之
禮重相見所以重士也苟士之相見猶人之相見則
非士矣又何禮之有焉蓋古之士其相見也爲謀道

也爲謀義也而非爲夫利與勢也故曰非夫人之相見也是以不敢輕也而禮生焉致之以辭達志也重之以介道誠也稱之以贊將敬也誠敬著而後志通賓請主人讓至於再三焉不敢憚煩豈故崇是虛文也哉合之不苟則所謀者必臧謹於始而可以占終也今士之相見所謀者何爲乎爲古人之謀者百一反是焉者什且九矣辭達志也而或以飾介道誠也而或以說贊將敬也而或以貨率然而面一言卽合未幾背之不以爲愧此所謂夫人之相見也古者士

之相見果若是與吾之習是於諸生亦將俾其謹謀而重合志於古而今是戒焉爾或曰今之士固有貌乎禮而心非者矣子習於外將以易之曷若務謀諸內之爲愈也曰務諸內者聖模賢範講明服行示諸生者素矣猶懼其未警也於是乎有是舉制外整內固將賴焉若貌乎禮而心非者使其乘彛未亡能無少變乎今夫晃而親迎所以重婚也三加而黜且字所以重冠也重之如此而淫僻狡頑之風尚不免焉君子不以是廢冠婚者所以存天下之防也此豈新

以習是於諸生之意也曰子之意將有出乎是者乎
曰有哉三揖其進也難一辭其退也易豈惟相見事
君者亦然故難進易退而禮義出焉天下之事成焉
習士相見禮所以教爲臣也

提學邵寶論來學

謹按南康府白鹿洞書院實據匡廬彭蠡之勝宋儒
周朱二先生嘗遊寓焉其秀自天可以資靜修之趣
其重因人可以興景仰之思士惟無志苟志欲上師
聖賢進德修業期有益於天下者聞茲洞院皆當景

笈裹糧從事於斯況有舍以居有田以贍有書以觀
如今日者而何不游乎但學者立心之始幾莫大於
誠僞辯莫先於義利此之不審皆苟而已今學校徧
天下立貢設科教且用之具有成法若舍彼就此徒
欲自異於衆而所習者仍與衆同則於立身經世之
道旣皆有所妨奪而羣居之誚捷徑之譏或未能免
焉吾亦豈敢輕舉以誤諸英俊哉凡我學校諸生暨
山林儒士有清修慎篤欲暫輟進取而志於前所謂
學者許府縣起送前來實雖寡陋教遵先儒舊規斟

酌程課近臨几席遠寓筆札相與講明焉如其師道以俟君子此實區區奉詔崇正求真之分也所謂暫輟進取或五六年或七八年必待學成然後出用不惟其言惟其事實斯爲有志之士如或立志未定請勿輕至其四方學者聞而來遊當異館待之寶不佞敢以誠告

主洞蔡宗充論士

宗充病拙東海近荷寵命起主白鹿洞事是欲宗充接天下之賢士共相砥礪而同升諸公也宗充初至

南康月不終日賓未能博訪幽隱而躬致造請之誠
所賴此邦之士與人爲善但求同聲相應毋以形迹
相嫌或先告我以巖下之老栗里之賢四世之隱我
則能次第而請見之或枉顧我于成德之堂希賢之
室我則能禮下而請益之庶幾因一方之賢而知一
省之賢又因一省而知及于天下也宗亮自知愚陋
闇劣不足爲洞中之主顧茲廬山秀甲天下高配古
人名聞百世含靈蓄粹近復百數十年當今豪傑必
有如君子冥會而默契之者吾方約五老以恭俟不

。當因主人之愚而愚及廬山也山川之精氣豪傑之
精氣豪傑之化機山川之化機語其內實與諸賢同
德而並語其外深谷足以靜慮澄溪足以洗心郡伯
館穀足資以養善撫按藩臬諸公之崇儒重道又足
以自重而自厲諸賢宜加之意相帥偕來匪直爲宗
亮謀也果有野叟山童忠信願見者全勿以禮貌虛
文較計定充固野人也

廬撫胡松諭諸生

爲天地立心生民立命往聖繼絕學萬世開太平士

君子不可無此志業以嗜欲殺身貨財殺子孫虐政殺民學術殺天下後世士君子不可有此罪過

學朱延益論來學諸生

夫人才之不興由正學之不明也正學未明由師道之不立也爾弟子員朝夕宮牆誦法先師師帥視成學官授業焉往非師亦焉往非學耶乃自先師憂學之不講而宋儒於膠序外每據名勝爲會講之地無非闡明正學陶冶人才其著在江右者則南康郡白鹿洞稱首迨我朝以道化天下今天子雅意同文於

勅書申明正學之旨所以重師道育人才者至詳且
悉矣考之此中學得其正者如胡敬齋胡康齋羅整
菴三先生輩偕出嗣是代不乏人而理學甲於諸省
亦旣增鹿洞之勝爲吾道之光焉近時士習日趨于
下而學日入于僞蓋由童年家庭之所習與平日庠
塾之所教上之不過氣節次之則日功名已爾文章
已爾最下者溺心富貴以至於白首而不知悟語之
漠然若不相聞所以視聖人爲不可幾而曰吾
科舉畢吾事也噫道之不明而何取於科舉以

之居身則踰閑蕩檢以之服官則奸邪貪昧并所謂
氣節功名文章亦復一無所有此皆由於師道不立
平時無嚴憚切劘之資不覺此心目放而安知有聖
賢性命之學歟也久矣卽所稱以道自命者患在別
立門戶好爲人師求之行誼大相謬悖條約中所云
借孔孟爲壟斷者往往有之是何怪于今之人以講
學爲迂當事者亦槩以僞學爲禁而因噎廢食者比
比耶余觀風南康歷覽鹿洞之勝悽然有感以先師
廟貌如新先儒遺教具在加之近代名公之表章燦

然惟是洞主久虛諸弟子肄業其中者徒亦文具蓋
師道廢而主席誠難其人也先是將之南康時曾博
求篤志力行可主是洞者而南昌太守以所薦士章
右衣潢封余爲南司功習聞其名今得之太守甚詳
卽往謀之南昌太守具禮幣遣使者再聘而後許擇
以是春二月赴師席余不可無一言爲先導余惟來
學茲洞者非豫章之才卽四方之俊也誠博習親師
問學取友奉持恭謹如對聖賢羣居無謔屋漏不愧
翼翼欽欽如承大祭立心制行一惟孝弟忠信禮義

廉恥是崇是守至於文章之闡發聖真處卽性命於
功業之純粹處卽立德於氣節之無乖戾處卽配義
與道皆正學也蓋道不離日用平常亦未有舍文章
功名氣節之外以求正學者至於飲食起居時時存
省灑掃進退事事損挹何往非學何往非道布衣之
行也意在斯矣嗟夫道在吾心希之卽是能自得師
千古一堂其他郡弟子以及四方同志倘有聞風而
興起者非必請謁門墻下帷鹿洞而於道也旦暮遇
之矣乃若繫籍求名言與行舛此孟氏所謂徒鋪啜

者而鹿洞幾爲僞學淵藪矣余敢不爲同志者重吾道而爲之防乎若夫所以爲教則布衣之師道自立與原委學官卿廷聘之振勵不弛而先儒竝諸名公之規條犁然具也諸弟子員遵而行之庶亦不負今日延師之意尚其勗諸

巡撫宋學諭諸生

公撫江右詣洞行釋菜禮畢諸生普謁公親定儀如師弟子禮命侍坐誨之

鹿洞始自李賓客讀書迨宋夫子增修廟宇闢置館

舍創立學規爰稱古國學遺經

聖天子崇儒重道親灑宸章頒賜扁額書籍興起斯文凡
肄業此地者皆當希聖希賢不僅爲章句訓詁之學
而已今人動畏聖賢難學不知道二仁與不仁不爲
聖賢便爲庸愚更無中立之理然希聖希賢不在口
耳誦說須是躬行實踐依朱子學規做去自然上達
某自登仕籍不暇研精理學然行已不敢有過上負
朝廷忝祖父下棄生平此諸生所共見者某嘗從鄉先
生賈公諱開宗論聖賢之學坐中有一少年道聖賢

難做願就功名一路先生曰女看功名二字何容易
須如諸葛孔明之鞠躬盡瘁狄梁公之再興唐室郭
汾陽之克復兩京功施天下名傳後世這總說得是
功名這便是聖賢一流人少年者曰某不肖甘爲富
貴中人何如先生曰富貴亦不易如江左王謝不過
富貴子弟然皆登高能賦文采風流蔚然可觀若但
酣豢於紈綺膏粱聲色之中夢嚙一生豈足云富貴
賈公此言最爲可味汝諸生勿以針大眼孔看人弋
一科博一官便算做功名富貴此念便落下乘不能

上達況帖括一道實代聖賢立言原非剽竊備取可
以做得須要體認得到方纔發揮得透諸生只將逐
日講貫四書道理一一體認到身心日用上邊卽是
聖賢實學更不必另闢門戶總之立志高則所造遠
如千古文稱左馬詩稱李杜以此數人較之聖賢相
去何如八股業稱王唐羅薛江右稱章羅陳艾以此
數人較之李杜左馬相去又何如看來人在天地間
必須希聖希賢纔是第一等人聖賢之文章在六經
四書聖賢之功名在覺世傳後積中形外體立用行

直一貫之耳天命之性皆同率性之道畢具諸生肄業於此學規炳然斯文未墜安得不思仔肩負荷之

一却

壬申徐京堦錄

提學李齡六戒

一諸生入洞悉遵文公教條及董程學則真西山教
子齋規不可有違

一朔望行香及早晚堂儀俱依府縣儒學禮式

一讀書必循序不可躐等先讀小學次讀四書五經
及御製書史鑑各隨資質高下

一諸生有過先生喻之于上朋友勸之于下務令遷改果冥頑不悛斥之毋令阻壞學規

一凡上司按臨先生迎於枕流橋內諸生迎於枕流橋下路傍拱立禮生引至延賓館唱禮先生先拜諸生次拜而退早晚作揖亦然

一諸生不許拆毀門扇窗櫺板壁擅自更改及損壞床桌椅凳亦不許縱令家人侵取本洞栽植及附近人家竹木

提學高資亨十戒

一曰立志卑下謂以聖賢之事不可爲舍其良心甘自暴棄只以工文詞博記誦爲能者

二曰存心欺妄謂不知爲己之學好爲大言互相標榜粉飾容貌專務虛名者

三曰侮慢聖賢謂如小衣入文廟及各祠廟坐嬉笑及將聖賢正論格言作戲語不肅櫛觀書之類

四曰凌忽師友謂如相見不敬退則詆毀責善不從規過則怒之類

五曰羣聚嬉戲凡初至接見之後雖同會亦必有節

非同會者尤不可數見若羣聚遨遊戲言戲動不
惟妨廢學業抑且蕩害性情

六曰獨居安肆謂如日高不起白晝打眠脫巾裸體
坐立偏跛之類

七日作無益之事謂如博奕之類至于詩文雖學者
事然非今日所急亦宜戒之

八曰觀無益之書謂如老莊仙佛之書及戰國策諸
家小說各文集但無關於聖人之道者皆是

九曰好爭凡朋友同處當知久敬之道若以小忿輒

傷和氣與途人無異矣

十日無恒夫恒者入聖之道小藝無恒且不能成況學乎在洞生儒非有急務不宜數數回家及言動課程俱當有常毋得朝更夕改

王洞李應昇洞規

一穿窬之心士所宜亟去也詩家論三偷之中偷語最爲鈍賊其次偷意其次偷勢夫文亦然一題有一題之文一人有一人之文先輩名家已是糠粃芻狗剗坊刻惡連篇直書拾殘唾以塗眉認

美爲旨鬱彼此爭剝而互奪生機埋殺於紙刀四
端俱絕在穿窬下矣有犯此者墨其面而移之郊
一狹邪之遊此中絕少飲博之習似亦無多惟是分
金塊肉微利所歸動馶鼓唇居間往來說合肺腸一
截荆棘叢生諸士既有志洞中其以清心聽水觀
山沉思默想泉聲松韻點點文心白石寒雲頭頭
是道毋以米鹽鷄彘擾清夜之魂毋以簪舌筆刀
張白日之械其有一語關白假公說私者斥出會
外仍紀三等簿以創其敗羣

一文無高下機行卽佳妙旨難言多作自遇今一月
止初二十六兩會抒寫幾何竊恐常業多荒文心
易斷因立小會以二六爲期卽以大會一二名輪
爲會長副執筆評次轉送本廳覆閱若會長副徇
情阿諛者罰諸生氣驕心昧以塗抹後言者斥
一洞中一椽一木俱闕先賢遺澤昔郭有道夜宿逆
旅明旦必洒掃而去古人用心如此諸生習業斯
洞務掃泉亭之落葉遠書舍之爨煙倘有穢汚山
靈厭汝

督學王綜戒勉各八條

一戒遊惰學者惟日孜孜猶恐不逮若悠游玩忽無振興奮發之意必難成事

一戒戲狎朋友以資切磋德業過失相規相勸若嬉笑狎戲便無拘檢敬畏之意人必不端

一戒欺詐洞中相交非師則友彼此誠信方爲有益若起一毫欺詐之私必至敗壞

一戒矜傲讀書變化氣質謙恭虛己學乃日進若稍有一得便自滿足矜已傲物即使成名亦非大器

一戒苟安學問無窮已精而益求其精有等粗窺皮貌便苟且自安以爲聊可問世自此自畫必并些須而亡之

一戒馳騫君子學問有本有末先從切實處下手斯高遠以漸而臻方能得力若一意馳騫將并其近者而失之

一戒忌嫉質有敏鈍學有深淺君子盡其在我自是無可限量若見人勝已遂起嫉妬見之言色加之毀訕此小人之肺肝如何而可

一戒纖刻士旣立身名教財利悉以義裁之卽躬處
貧困衣食寧從儉朴必不可以小利小物動心較
量此謂斗筭之器品斯下矣

一立志士人終身品詣全在乎志此志一立鬼神亦
不能奪道德上也功名次之志富貴者風斯下矣
一敦本土子立身孝弟爲本孝弟虧缺卽功名富貴
不足齒矣推之五倫無一可忽

一主敬聖賢進德修業不離一敬非敬則肆矣敬肆
之間天人吉凶所由分故處心積慮無敢慢易動

止語默莫非禮法其人其學庶幾近之

一 致誠中庸曰不誠無物孟子曰未有誠而不動者也况讀書窮理功在實際可容一毫僞妄否故忠信居中則萬事可成萬境無礙

一 明經讀書以窮經爲先卽作文亦必以本經爲雅不止專經爲舉業之正也諸經大意須要通曉

一 學古爲人不法古人必卑俗爲文不法古文必卑靡如聰明有餘左國史漢諸書以次觀覽尙有餘力卽唐宋大家亦不可少

一專課讀書思取科第則舉業爲目前之急如遇課
期須如孤軍逢敵拚力一戰不可草草放過
一持重學問得方易於矜炫若深沉持重溫養變化
境界正自無窮一涉淺露便無餘蘊勉之哉

白鹿書院志卷之九

星子縣知縣毛德琦原訂
署南康府事周兆蘭重修

書籍

學於古訓乃有獲書籍皆古訓也鹿洞九經
初經以考亭之請有增於前近奉

欽頒經史及諸當事購置稱大脩矣謹列名目
核志書籍

欽頒十三經註疏

康熙二十六年四月內奉到

易經伍本

書經捌本

詩經拾陸本

春秋貳拾本

公羊傳捌本

穀梁傳伍本

禮記貳拾本

周禮拾肆本

儀禮拾本

爾雅叁本

孝經壹本

論語學庸肆本

孟子陸本

以上十三經

欽頒二十一史

康熙二十六年四月內奉到

史記貳拾陸本

前漢書貳拾陸本

後漢書叁拾本

三國志拾肆本

晉書叁拾本

宋書貳拾貳本

南齊書拾本

梁書拾本

陳書陸本

魏書叁拾本

北齊書捌本

周書拾本

隋書貳拾本

南史貳拾本

北史叁拾本

唐書伍拾本

五代史拾本

宋史壹百本

遼史拾貳本

金史貳拾肆本

元史伍拾本

以上二十一史

欽頒淵鑒古文貳拾肆本

康熙四十六年三月奉到

朱子全書叁拾捌本

康熙五十四年二月奉到
共四部一
部八本三部二十本

康熙五十五年十一月奉到

一總督倉場戶部左侍郎前福建江南巡撫張伯行
先後送洞書

周濂溪集四本

二程文集四本

二程語錄五本

二程粹言二本

濂洛風雅二本

謝上蔡語錄一本

尹和靖集一本

張橫渠集五本

朱子文集二十本

熊勿軒集二本

許魯齋集二本

陳剩夫集一本

吳朝宗聞過齋集三本

陳清澗學蔀通辨四本

薛文清讀書錄二本

薛敬軒集四本

胡文敬集二本

朱子學的二本

羅整菴存稿一本

羅整菴困知記一本

陸稼書讀史隨筆二本

陸稼書讀禮志疑二本

陸稼書問學錄一本

張武承王學質疑一本

張孝先養正編二本

張孝先學規類編六本

道統錄二本

濂洛關閩書五本

諸儒講義八本

松陽講義四本

續近思錄集解四本

廣近思錄四本

耿逸菴文集

陸桴亭文集

開闢錄二本

吳徽仲文集二本

陳克齋文集

道南源委

朱子語類

古文載道編

方正學文集

道命錄

思辨錄輯要

謝文節文集

陳北溪文集

伊洛淵源錄

陸宣公文集

諸葛武侯集

司馬溫公文集

韓魏公文集

李延平文集

文文山文集

胡敬齋居業錄四本

呂東萊文集

真西山文集

黃勉齋文集

張南軒文集

楊龜山文集

范文正文集

楊椒山文集

海剛峰文集

魏莊渠文集

楊大洪文集

斯文正宗

一太守周燦送洞

忠孝經壹部

易經大全拾伍本

書經大全拾伍本

詩經大全拾伍本

春秋大全貳拾本

禮記大全貳拾本

四書大全拾捌本

性理大全叁拾本

監本易經貳本

監本書經肆本

監本詩經肆本

監本春秋拾本

監本禮記拾本

願學堂集陸本

一提學冀霖送洞書

四書體註叁拾部

每部伍本

字彙肆部

每部拾肆本

古文覺斯八部各八本

聖像四配十哲像曲阜臨本後附朱子像從徽州本及
朱潛溪九賢遺像記

一主洞原敬送洞書

原鳴喜存業十編十本

正宜堂語錄一本

鹿洞彙錄一部五本

一星子縣知縣毛德琦送洞書

新修白鹿書院志一部五本

新修廬山志一部八本

史學提要箋釋一部

一太守張維屏送洞書

國朝詩人徵畧一部拾本

國朝嶺南文鈔一部捌本

白鹿書院志卷之十

星子縣知縣毛德
署南康府事周兆

藝文

山水之佳勝必資翰墨以傳古人足跡所經輒留題
咏至如

朝廷之詔命官府之書牘與夫金石紀載之所及並關
興廢不可缺也志藝文

南康軍方岳與蔡憲論事件

白鹿書院實先賢講道之地水木幽茂雅可藏珍而

比年以來師道不立士之處其間者亦多粥飯僧耳其初至見學校不肅令之曰紫衫戎服涼衫鹵服恐不可以見先聖先師自今以來不具襦幘者其勿與殿謁不具深衣者其勿與聽講則皆不以爲是一寄居者曰陶教授持文公家禮來曰涼衫盛服也文公自言之矣何不可之有某笑指旁一虞兵而謂之若曰此輩祭其祖先亦着襦幘豈非怪事文公家禮爲祭祖先言也不爲拜先聖言也故曰凡言盛服者官員公裳士人襦幘庶人涼衫市井小人亦有祖先也

則涼衫其盛一矣文公之禮士人猶不可以涼衫見其祖先而謂可以涼衫見先聖先師乎蓋禮文之粗淺者其議論尚如此則其所講明可類推矣

近準使牒差請以堂長以領社學者此白鹿之所甚幸也某卽日遣人籌禮幣乃承檄至省劄及辭免公狀某以其免牘必不容但已卽與繳申乞劄催供職矣此中久無堂長事體放紛其於義利之間恐有界限未甚分曉者至於今日要取某人田明日要撲某處渡亦非好氣象耳與之則民怨不與則士譁非有

以淑其心又何以革其習也晦菴在郡時嘗祠濂溪於學後人又以祠晦菴是矣不知何者忽標出於學門之外使兩先生不得祠於學宮非禮也而又有大不然者周朱以塑像居中而明道伊川侑坐於其西可乎某之此來其謁文曰惟五先生之傳與周子朱子合堂而處禮也師友淵源之所自顧退然居西廡下或者其不謂禮某祇謂之始徘徊太息方將下博士諸生議所以蓋管牒前廣文竟不報而去矣不知此事合與彊正之否本軍昨準發下先正書傳近方

判成所以惠後學者多矣謹印造十部計四十冊申
解所有印板不委留在白鹿書院或令申解使臺取
自行下

巡按唐龍題請主洞官疏

爲慎擇儒官兼管書院事竊照宋儒朱熹於淳熙中
知南康軍乃卽唐白鹿洞遺址建葺書院以爲講學
論道之所規制大脩教化蔚然又括聚書籍置給田
畝相傳至今近日巡歷本府首詣書院展拜先聖先
賢見得祠殿荒涼門廡零落往來皆牛羊之跡則後

俱蔬稼之圃及訪書籍已多散亡田畝亦浸遺失詢
廢所由蓋因無官綜理每年止是本府星子縣編金
門子二名輪流看管以致狼狽至此夫必欲設官尤
恐費事緣本府儒學距書院僅十五里但得一學行
教授兼管足矣然誠難其人焉近該本府呈報所屬
官員姓名脚色開註本學見缺教授臣訪得福建興
化府教授蔡宗堯由進士出身學問深該志行清古
為貧而仕由全孝友之心以禮自防弗為時俗之態
誠斯文之正類後學之楷範也如蒙乞勅吏部查議

將蔡宗充改調南康府教授不妨原職兼總理書院
用修遺教仍行星子縣歲另給二力一馬往來跟騎
於書院田租內月另支米三石食用以爲常規一應
上司俱要禮待勿令僕僕拜跪以示優重之意以後
員缺常於進士內慎選銓補若能敦復風教有光儒
業一體擢授科道及不次陞提學僉事等官苟廢學
傷教聽巡按御史奏調簡黜不廢勸懲庶百年之舊
典復舉而一方之學者有依矣奉

旨吏部知道隨題覆將蔡宗充除授南康府儒學教授

仍支正八品俸不妨原職綜理白鹿洞書院三廳事務行令有司以禮優待庶幾後學得師前規不墜等因欽此

巡撫邵銳依提學道

所擬禁約

一上司來視書院皆以論道講學爲心以培養士氣爲志洞中師生迎送拜揖毋得輒自屈膝以負上司期待作養之意其迎送悉照李提學齡舊規以枕流橋爲止

一本洞儲書專以教廸士類近年江西科場必取洞書應用及至願回缺者不敢言缺失者不敢言失洞書殘落大半由此今後江西科場書籍布政司自併該府毋得輒取鹿洞書籍送用以致遺失

一院中書籍考舊志所載殘缺遺亡者十已五六近經兵亂全書冊籍查據今後仰府設立一樣冊籍四本

明開書籍

什器解起本道鈐印印過一留本道存照

一留本府

存照一發本府學存照一發付書院庫子

叔管本洞

教授每月朔查取門庫損失有無執結歲

終仍申本

道查考

一先賢買田

積租專以養士近因生徒不至將累年儲

積發修府

縣兩學甚至他郡亦或請租修學殊失先

賢買田本

意今後仰府儲積洞租專留養士養士羨

餘止許支

修鹿洞其修府縣兩學仰府自行措置毋

得輒支洞

租以缺養士

之穀以負

先賢之志

徵收鹿洞

租不妄老人義民則委丞簿府幕租穀未

催利心先

動累年拖欠職此之故今後洞租在南康

府者行委

南康府清勤正官徵足其在南昌府者行

委南昌府

清勤正官徵足發至南康收管南昌仍行

繳報如有

違犯徑自

提問庶事

體歸一

一本洞教官

承訓人胥材為事以養廉守耻為先若使

徵收租穀

非惟勢有所不行而職亦不專今後止委

白鹿書院志

卷十

府官徵收租穀穀完之日帖行教官令其開列師生姓名支給支給之日教官眼同面解於本道洞租簿上親書支數

以憑查照

白鹿洞佃

戶一應稅糧茶絲正額俱各准租完納近

復編金雜

差是先賢戶籍乃不能蠲免差徭矣况田

在星子者

止貳百餘畝若租穀准差既多則養士者

愈少今後

鹿洞戶在星子者雜差悉與蠲免其建昌

田多者別

論若星子偶有

重役仍就

建昌通融補足

洞中別無

倉廩儲積租穀若諸生肄業洞中使其出

府領穀出

路往返幾數十里似為不便仰府立倉洞

中將近洞

田租收貯就洞給散其建昌南昌二處租

穀依舊收

蓄府倉俟洞倉所儲將盡該府陸續運補

務令克足

以併支給

門宜牢加關鎖非洒掃恭謁不得擅開以

大成殿諸

壇其關鎖未備者仰門庫具呈本洞教授

致穢汚褻

申詳
定奪

提學鄭廷鵠示王洞教諭崔栢帖

一本洞學規實千聖教人之法也王洞教官及諸生各宜遵守

一講學修身然後及人此洞學大旨也願諸生以致知力行爲一事以進德修業爲良能庶不負先賢垂教之意

一洞王教官務宜正身勤德以倡率諸生每日平明升堂會講王洞官先講或諸生復講前書有疑者以次升問日晡夜分不必大會有問止命直學引對朱子有言若能領袖諸賢同心倡導不以彼己之私介於胸中則後生有所

觀法誠爲至訓

一洞規舊有堂長直學今諸生各宜以齒爲序月輪一人爲堂長旬輪一人爲直學如首一人爲堂長第二

人爲上句直學三人中句四人下句第五人又爲堂
長第六人以後直學分句如前週而復始年少者不
必輪

一洞不設規矩禁防之具其待學者爲不淺矣今考朱
集有答長貳書云敢群不率者亦且革心其與葉永
卿諸公言洞中事又恨當時所以相切磋者猶有所
未盡豈不謂學者亦必以規矩而後有所持循哉仰
體朱子切磋之志莫若一倣呂氏鄉約以盟其心互
相規正自可爲進德修業之助亦無復有敗群不率
者矣

呂氏鄉約云德業相勸過失相規此洞中益友第一
事又云禮俗相交忠難相卹雖不甚切洞中事然朝
夕禮讓歲時存問小有疾病更相醫藥調濟亦勢所
不免堂長直學相而行之凡德業可勸過失可規並
能守禮卹患者悉書於簿如鄉約之約正直月當有
大益

一 堂長直學直內不得給假有大事不獲已姑令以次
堂長直學代之諸生給假出洞次日即銷星千縣曠
五日都昌等縣曠十日各府曠十五日者堂長即書
於簿以記其過限外名再曠五日者作曠有婚喪事
者不在
此限

一 南唐劉式讀書洞中手抄孟氏三子其孫子清之藏
之云是洞中口課朱子有取焉諸生行有餘力宜有
日課月課直學者司之至洞官小可因此以考驗其
所養但不可驟萌進取之念為洞公所棄也
一 洞官每季終宜啓報一次對送產子縣當官驗過印
封入舖遞來

一 啓報止宜開具
五款不必繁文

一 在洞中諸若干名某人某人給假若干名某人某人
不到及作曠若干名某人某人一本府給到供應若
干給過諸生若干扣除作曠若干無則止一堂長簿
書某人德行過失某事直學簿書某人過失某事無

則止一日課月課簿見送批點過優等若干扇有考
卷亦然一本月所講書或史某章全章或某節其若
于次某人復書或
通貫或不通貫

知府羅輅洞學榜

一擇生徒訪聞近年邪正賢否溷無去取中間誠心向
學者固有或恣意遊觀興盡而返或設心規避假此
爲名不惟繼前修者寥寥無聞而行檢大壞往往爲
洞學之玷以致有志之士不屑而去自今凡奉公移
來者慎於所選從遊之後洞師驗與可拒者則拒之
而上司不必梳其權其四方有志之士聽其肄業
一務實學邇來所謂佳士或清談高論以爲能或竟日
靜坐以爲正或矜持舉動互相推重斯人也衍衍終
日無所用心皓首無成追悔莫及虛費館穀之需耳
自今明示程式以講讀四書五經大義爲主而擴克
以史
傳

恭政程拱宸議建昌洞出帖

爲議復學田以彰右文盛治事切照白鹿書院乃歷代造士之區而洞學田租又盛世養士之典自唐宋迄今未之有改夫何異議者革書院鬻學田拆毀材甬以治廨舖估變租值以充邊需遂使數百年右文育材之基蕩折荒墟誠斯文一時之厄也猶幸前院主持白鹿書院以勅額不至拆毀而田租卒去十之八九雖續奉文查復止復天真書院學田而白鹿書院爲古今著聞尚拘格未能復舊此尤明時缺典本

道去歲巡歷隨該白鹿洞肄業生員晏希唐戴策獻
袁緯等連名具呈為遵明旨查洞田以復舊額以崇
先賢事批行南康府查議據回稱前項田產已經變
價銀兩於十一年九月內解司開報濟邊之數今應
否復回事在本司定奪等因在卷夫新建縣田租四
百畝割入正學書院已久均為造士獨建昌縣已賣
田地壹千貳百餘畝應查復入白鹿書院雖前銀已
經報部濟邊但前值止四百四十三兩數亦無多儻
亦育材為重則前數可以復回如謂濟邊之數必不

可回或量留贖錢或別爲措處以復前田則一轉移間而國家右文造士之典可以光復矣

知府潘志伊復洞帖

爲清查書院祭器書籍并禁作踐以隆祀典事蒙兵巡道王奉撫院曹批據本道呈詳議復白鹿洞書院田地山塘緣由奉批白鹿洞書院自唐宋以來有之所以崇祀先聖重理學以裨益風化豈彼佛老寺觀所比哉柰何有司不察一旦遽忍廢之今旣查議停妥一二如議行再有議廢者是得罪名教之人聖門

之所鳴鼓而攻者也此繳併案行府卽將白鹿洞書院祠宇祭器等項朽壞者逐一估計八九十年支剩并追未完租銀務要修理完併門庫工食照數加給責令看守仍委教官一員專管嚴禁竊伐竹木其星都二縣田地共七百六十六畝七分零盡數歸官照田收租以充祭祀供給修理之費等因又奉布政司劄付奉按院韓批該本司會同學道鄒呈復前事蒙批白鹿洞公費委不可缺如呈行其田價解部及仍還買主准議此繳蒙此併劄行府帖行督洞訓導劉

守成遵照訖

知府田琯清復洞山增置洞田議

爲收官山載洞志以固地脉以庇人文事照得白鹿洞乃先賢興教之名區顏家山乃顏魯公寄寓之遺跡今祀真武適應地靈初議香資恐不滿額今計所入頗有贏餘以之鬻田贍洞是藉神明之費以爲養賢之資則斯地誠有功於名教矣所據諸生公議委協理情況洞田近因官賣已失舊額必須置補方可足用緣係白鹿洞增田事規例屬學道掌管已經具

由徑申批照外今思本山爲府龍之來脉實秀氣之所鍾恐人啓覬覦之私無爲長久之計非假憲令詳定何以鎮服人心幸逢按臨文教風動乞作斯文之主永扶道脉之傳合無俯照士民公議買田贍士載入洞志等因蒙巡道馮批顏家山憇亭原屬本洞旣順民情而建亭祀神因藉神惠而置田贍士該府此舉其於事神禮賢之道而得之矣仰將所置田畝併收支規則載入洞志仍僉誠實居民管收香資隨其盈縮陸續置產登報循環以杜侵剋其間善後事宜

本府徑自酌行繳奉批允後又陸續支銀買過田五
百餘畝連前共買田七百畝零一分四厘五毫細數
俱已詳載田志

知府袁懋貞申聘南昌鄉紳舒曰敬至洞并議款

爲昭復曠典禮聘名賢以光師席以興才學事蒙提
學劉憲屏前事奉撫院王批推賢主洞文教聿興爲
國樹人此爲攸繫諸議詳妥仰會同守九道移文該
府作速修舉或有未盡事宜不妨臨時潤色題請
節候會議酌行此繳又蒙按院陳批敦禮宿望爲

白鹿洞王盟事超人文挽維世教將在茲乎擬詳以
甄收寓勸課以禮嚴窮節膏以查盤防侵冒最為妥
悉除題請一節候會議外其餘俱如議轉行着實修
舉此緣今將各款事宜開後

一 供應 看得洞主遠出三百里外終歲山居其意固
澹然而闡明道學造就人材非尋常臯比等也豈迎
賢而可貽以尸饗之累乎但苜蓿非宜而野肉難繼
合約計供億每季議支銀二十四兩作為廩給奉送
主僕一切日用經費為案查管洞教官除本等齋俸
外一每季支銀六兩是不過怡而為四會計每歲該
支銀九十六兩外午節楊陽重九冬至公祭節儀各
費而共足百金之數為九月
於此示而無禁為阻礙所以
擬之

一聘禮 看得古者聘必有餼見必有贊元纁羔雁所
從來矣今至洞上盛舉而本官又名賢合如縣議支
銀二十兩折花銀色幣仍須府官一員率青衫數輩
親詣敦請其在洞鋪陳帳幔家伙什物固無取於者
華亦難容以苟簡合照司道行臺供帳容本府追取
夙欠洞租着量治備大約不出二十金而足矣
一分督 看得師席本自尊崇而敷教尚寬無分等類
度此番負笑而至者固不乏姤修有志之士倘其中
有一二不肖私智先人雌黃任口臧維踰檢飲博恣
情相聚而移寸陰於清談相惡而出飛條於暗地或
上而爲清水之傲或下而貶薪木之憂有此敗羣究
且辜此盛舉則絕無糾慝不可無人此最喫緊一義
也本府郎責在提調而府與洞難以互相移文勢必
仍照前規另與所屬訓導一員督理洞事而受成本
府凡洞主所欲行及洞中所應行者須詳悉申府鉅
者以便轉呈細者以候批示卽在洞門戶關防什物
稽查人役管束統所責成庶師體益肅而洞規亦永
守勿壞矣查星子縣訓導陳維智年力方壯模範素

端兒可肩此任者合無卽行委用其舊例管洞俸外
每年給廩給銀一十二兩仍照舊例支給爲彼在洞
資斧可也

一優給 看得舊規洞生每月給銀三錢至四十三
改經月課優等夫亦短汲長爲是變通其間今爲
此舉計簽簿如雲昨者變通之術當遂爲經久之規
矣查笑租銀除廩給備用等外計存二百兩有零每
月計兩考每歲計考二十四次每考該銀八兩五錢
除供給紙張姑以百人作數計應用銀一兩六七錢
之外凡一等賞三錢應定爲十名二等賞一錢伍分
應定爲二十名三等前十名賞一錢以銀之多寡爲
優等之寡寡此規立而諸生有所激勸租銀亦不至
告匱免應照新例爲優給者也

一號舍 看得本洞號舍六十餘間比見塾師學究於
中聚徒設帳甚至掛名本洞者終年絕跡空室塵封
白占無用之房預阻有志之轍已經本府逐一查出
及各房置壁削格每房可容二人見今可容百餘人

矣但先至者業已占定而後至者茫無投止遠方之士有可領補諸生時名籍甚者忍令其望官墻而返乎合於洞主初至時選留七八十生寧空餘房一二十間以俟來者嗣後則憑月課去留每月二考有於六考皆居三等末二十名內者時已三月天道小變學業不進實應自我讓房空額以待後來庶乎披沙揀金所萃皆寶而於招致之盛心不至於窮矣

提調看得洞主登文壇具法眼識駿於驪黃辨材於良楮自其所長非簿書之餘所能參其一二但慮月課匪輕優給之有無號舍之去留實係於此洞主以師弟久稔恐不能太爲分別或新進者又有桑梓干進洞主槩能冷面相向乎其中進退寧本府代任恩怨每月會考悉聽洞主品評外仍送本府檢閱一過寫案揭示其有空房亦必由本府封鎖後有爲洞主新收者洞主諭知教官其教官併將試文送府領鑰啓封方許新生居住庶洞主不致掣肘而盛舉可常從前本府原有提調之責恐在今更不容辭也

一題請 看得官為國家任職師為國家造士任職不
過盡瘁厥躬造士而儲材待用報効無窮師蓋蔡重
矣此先年按院唐所以為蔡宗交而特疏也然蔡先
任興化府教授其時亦請以原官改任本府耳至陳
白沙吳草廬諸先輩或以孝廉或以布衣皆由薦聞
優以不次是遂為我國家成憲題必擇賢賢則不乏
題也惟自徵聘之典寥濶於今而談者遂訛為異舉
耳今本宦文章行誼大江南北無不仰為山斗且其
起家高第亦曾領邑事督郡學矣比照前事名實委
屬相符且本洞自周朱兩夫子及象山餘千先後倡
明正學而白鹿遂為文教名區紫陽之知南康軍也
請給洞田頒九經皆因文教而重其地因地而重其
事今幸際加意斯文慨復曠典是誠千載一會倘微
德意將本宦先事題請或教成薦用盛心盛舉豈其
獨讓古人但事干

重大聽上斟酌

一羨餘 看得本洞租銀每年四縣額該解銀三百五
十四兩三錢六分每遇科舉年分給生員盤費銀七

十餘兩解刊齒錄銀二十兩按院觀風給賞師生銀五十兩觀風考校以一二三年不等姑槩以三年扣算每年額該支銀四十六兩兩賑助貧生亦於內取給其聽本洞支用者實大約三百七十兩零耳而歷查已往自三十一年至四十四年逋欠乃至二千一百有奇其間有水旱不登者十之二三隱占侵牟者十之六七解數不敷逋數其常也除見今堦底清查外姑盡租計之洞主廩給并節儀支銀一百兩分督教官支銀一十二兩每年二十四會每會一二等給賞支銀五兩一十二兩俱給支銀一兩五錢本洞每年額共支銀二百六十八兩餘銀三十九兩七錢有奇正恐逋欠難以取盈號舍什物有時修葺且多士久客寧無匍匐歸途呻吟藥餌一切意外之用所應代思其憂則以餘銀備川誠有見也

一登報 看得各縣洞和向來多付典史徵收禮房掌官又溷入里遞督催以致隱占侵牟種種弊竇各縣既漫不留意諸生則意府有積銀以致本府受剋印之譏而更勤仰屋之歎夫均之錢糧也無有錢糧而

不奉查盤者何獨寬於此耶今後請一如州縣錢糧申報之例必收支完欠歷歷上聞兩院併提學道按季稽查則所謂求者注者解者通者無所作奸無所孽用矣

知府袁懋貞申請洞主文

看得鹿洞理學名區海內欽豔先以師席虛曠文路
蓁荒幸蒙院道嘉惠作興敦請碣石舒先生主洞一
時多士雲從文風丕變傳爲勝事亡何天嗇其緣先
生會以艱去本府猶會同刑廳共相鼓率遠就丹鉛
諸生旋又以試事分岐前會遂寢本年猶課數會而
壇坫無人氣衰再鼓塵封弗塞忽已踰期學問消長

靡常玩愒光陰易邁無論嚮者當道殷殷初意不忍
輒付灰冷而有志子衿每牢騷相向亦安得調簿書
無暇竟棄置之乎初泥教必易于別想借青成藍今
悟歸有餘師何似就燈乞火本府推官李應昇高第
聯承蜩翼文名久執駢旄多士素已傾心卽該廳亦
不靳雅意況今榷事已竣廳務非煩兼攝無窘於長
才勝事則喜有專主矣但師道宜尊非允自上意不
爲隆崇禮遇當優非體及其私恐致苟簡每月除小
會外其兩大會必當親宿本洞矣師生茶菓蚤晚饗

殮驛不能常供力不能自備往例督洞教官二員亦
每年共給銀十二兩茲欲倣問餽之遺難同苜蓿之
儉議加一倍每年支洞租銀二十四兩送本廳自備
往洞之需至分督教官勞逸應均原議擇時望者輪
管今查有某俱堪督洞合俾更替以示一新若諸生
供會給賞諸費悉具前案無庸改議

主洞推官李應昇申議洞學科舉詳文

爲先賢遺澤未斬多士蒸夢有期懇乞照例廣額以
宏作人事竊惟白鹿洞肇自李渤尚止友麋鹿之群

興於紫陽遂廣開桃李之化故宮牆特峻廟貌是虔
教主洞規名垂國學歷稽昭代文宗若邵二泉李崆
峒諸先生嘉與修明借光俎豆但科舉未經另設而
遺才猶有專收前道洪胡尚仍其二至前道黃遂擴
爲五雖云分附各學特典實垂不刊爾時洞士尚驚
其名也及本府袁知府再闢荆蓁條畫經制先申聘
南昌舒宦以開其先繼申委職以承其乏職卽未聞
道不敢負人兩年來力守先進之閑勉竭書生之吻
月必二會會必手披風雨夜坐於山齋丹鉛晝磨其

鐵硯於是裹糧而至者千里同心四方接踵夫青衿
滿眼幾人寒谷長哦書院紛門何地羣材受範三年
之取舍固自同途一日之短長豈宜並較查吉安白
鷺書院科舉四十二人衡其實恐不讓才循其名何
絕相遠在遠方經歲而去捷徑何心而郡中好學者
多孤飛無力幸蒙本道道合先賢聖高山斗憐才念
熱隻字爲之三思握鑑冰清片長初無一漏凡茲洞
中英俊旣已羣入品題第脫穎分曹止屬文章之司
契而遺珠可拾竊歎舊額之太怪例亦何拘時則已

可使先賢而復起必盛典之宏開伏乞俯將鹿洞遺才照白鷺書院事例先期另考額爲十名則賢關大開不過斟酌調劑之權而化雨宏施亦生宮墻鐘鼓之色矣蒙本道魏 批允洞生科舉八名仍前遺才另考永爲定例

巡撫蔡士英初行白鹿書院告示

照得江右夙稱人文名區理學淵藪所賴境內祠宇書院鐘鼓式依故代多傳人後先輝映今查有白鹿洞坐落星子縣地方古蹟炳然昭著傳志數年以來

緣驚心於赤白遂謝事於鉛槧以致門無負笈室鮮
傳薪因而垣頽砌斷鳥字蟲封樵豎丐僧潛藏溷厠
大有事斯土者旣不能鼓吹聖道表章絕學而一二
舊址且使橫題不休俎豆無光不幾有司者之耻而
豫章之士之差也本部院念切在茲未忍隕墜除清
查學田聚徒課講另文申飭外合行嚴禁爲此示仰
該縣印捕并地方人等知悉嗣後卽將白鹿洞書院
掃除潔淨內外肅清仍委附近居民常川看管不許
容留閑雜人等在內混擾其圯毀傾敗者量行修葺

如有好義士民樂輸鼎新許卽申報本部院以憑獎
勸如果宿儒碩士往來輻輳繼先啟後再成盛舉未
嘗不以一日廓清之功爲斯文未墜之幸也特示
巡撫蔡士英示定洞規

照得白鹿洞原係先賢舊蹟前人捐置洞田收租徵
銀以爲講學之資嗣因兵火之餘盡行廢弛洞租銀
兩俱爲無名費用支銷今本部院力爲清出延請洞
主振起文風仍復如故開講理學每年費用不足會
商前任李臬司暨學道館縣捐資陸百貳拾貳兩壹

錢捌分零復買吳蘇子田陸百餘畝入洞收租計本
洞原田及新置田除完糧外每年共收洞租銀玖百
叁拾捌兩零內除柒百捌拾陸兩相應派定支銷款
目其剩餘之銀以爲大修先賢祠宇及書廨等需
除撥行道府遵照外示仰儒官諸生一體知照

一主洞公費每月支銀玖兩

一年共銀壹百零捌兩

一副講每月支銀肆兩伍錢

一年共支銀伍拾肆兩

一每月會課諸生約計陸拾名供給陸兩一年共支銀
柒拾貳兩

一實住洞生員拾名每年給銀柒兩貳錢共銀柒
拾貳兩

一每月二大會一等十五名每名賞銀叁錢二等約取
叁拾名每名賞銀壹錢伍分每月兩會共銀壹拾捌
兩一年共銀貳

百壹拾陸兩

一公費銀壹百兩以脩賢士大夫遠方遊士往來供應
每年終呈報細數開銷

一修理銀
叁拾兩

一每月約刊會文拾篇共費銀叁兩每年共銀叁拾陸
兩外刷印紙張銀拾兩二項共費銀肆拾陸兩

一督洞儒官一員每年
支公費銀壹拾肆兩

一會文小飯每會約費銀壹兩每月二會一年共銀貳
拾肆兩

一本洞并顏魯公祀春

秋二祭銀伍拾兩

一集建儒書院聚四方之俊彥非僅取才於一域也或
有遠朋聞風慕道欲問業此中者義不可却副洞長

先與接談觀其人果爲有道之士或才學邁衆者引見主洞再加質難品行灼然可見當留住洞中以資切磋其供給照常額宜加每季三兩示優隆遠客之意會課賞格仍照例頒給

臬司李長春興復洞學看語

看得事有似緩而實急似輕而最重者禮陶樂淑之教朝絃夕誦之風從來聖主開天賢臣翊運于戈甫定旋事詩書未有不於此首致意者白鹿古跡爲先賢闡道之區名公鉅儒先後繼起其流風餘韻載在簡編芬人齒頰者可屈指數也匡廬片石等泰岱以爭雄彭蠡清波並洙泗以方潔雖東南講學名區項

背相望顧升東嶽而知羣山之剡施浮滄海而知江河之杯勺未有不以此山此洞仰爲宗主者也邇自世變滄桑地多兵革禮樂崩壞經誦無聞遂令勝地名區夷於榛莽左圖右史等於浮沉幸值憲臺一代真儒千秋名世先文德於武功化干羽於玉帛以克趨舜步爲淑世之良箚以孔思周情爲治民之大道揖周朱於几席接孔孟於同堂興懷往事之休隆興復當年之盛美此真一時之芳躅而萬禩之宏猷也本司曩者拙守南康庸庸碌碌旣以力薄人微復值

在任未久每懷缺典耿耿在中茲者復履舊遊塵埋
案牘有心無力徒增浩歎憲臺下詢踴躍歡騰據該
館所查田畝具見用心之周而規畫條呈亦自井井
有緒不揣庸劣蒙憲下詢不棄芻蕘草率冒昧聊陳
四款惟憲臺採擇焉

一刊定租息 看得興學首資錢糧不堪外派細查
冊中所有之田與今時租息之價則不煩外派而
錢糧可足也洞田叁千餘畝舊額租銀僅叁百陸
拾兩除田糧外每畝年租止於錢許從來籽粒之
輕未有如此者也細思其故此蓋數十年前所定
籽粒之數彼時江西米價每銀一錢可買米三四
斗而以三四斗起租已稱下則最輕之數今則熟
極之年斗才亦在一錢上下是每畝除糧之外僅

新米斗餘耳此則普天率土所未有之輕徭矣故
有將納銀改租之說庶租貴而價浮按畝而徵所
入當加數倍又以改租之舉萬不便行特於每畝
量加三分是以五十步之笑百步所差無幾也本
司愚見該館履畝而稽細查肥瘠分上中下三則
上則每畝叁錢中則每畝貳錢伍分下則每畝貳
錢以此數而較之民間之租數猶然佃之得贏也
本司昔守南康脩知此中侵蝕之故與其屬豪強
之兼併何如供士子之餼糧况爲數仍舊人必柴
從如其不便卽令退出另召耕種無不踴躍願赴
者也此事一行而講讀有資勝事易舉以公家之
物還之公家非有苛刻急辦之舉此興學之第一
義所當急爲
改正者也

一 禮請名賢 昔人有言務學不如務求師師者人
之模範也模不模範不範害不小矣又曰一閭之
市必立之平一卷之書必立之師師之關於承前
啟後者至重也爰考洞志先賢如周如朱如陸或

以臨民蒞政而兼金口木舌之司或以同志樂羣而據虎皮絳帳之座道隆常世教衍千秋師道之光所由來矣嗣後主斯洞者名賢繼起代不乏人流風遺韻猶可指數今欲聿隆大道先期禮請名師或朝家之鳳麟退主河汾之席或鄉邦之儀羽用司鐸韜之靈抑或布衣韋帶之英衡門泌水之彥不惟其位惟其人如陳白沙以孝廉而倡絕學於朝野吳草廬以寒素而應徵聘於明廷總之先之以人品繼之以問學又繼之以文章期於言行可儀模範無忝尤在地主賢有司格遵憲臺興賓至意大破拘攣以禮敦請庶斗極在前可因親而宗主階樽待酌將虛往以實歸師道尊而教隆矣

一 尊崇聖學 聖學之闢於世道人心固至重矣其在人也如饑之必食寒之必衣不可一人廢也其在世也如日月之經天如江河之行地不可一時廢也遠不具論卽就此洞言之周朱知南康軍興教善俗賑恤拯荒是學之施於政事者無時不然亦既章章矣陸子靜登白鹿講喻義一章環而聽

者千人田夫野老有問而泣下者是學之播於鄉
國者無人不然而更明切矣彼伊唔咕嗶嗶謂非
學而非學之至也階榮席寵寧謂非學而非學之
宗也欲期斯道之大明務倡千秋之絕學况此洞
之所以擅名宇內原以闡道明理爲宗不以尋章
摘句爲業今卽不能盡復古意亦當不失原來如
該館所陳每月三期會文是矣今於會文之外益
以每月三期會講又或一季之內通郡會講一年
之內四方會講俾領袖名賢登壇而罪罪玉屑高
座弟子執經而習習風生直接千聖之淵源盡洗
經生之固陋薪傳不盡晦蝕重光所關於世道人
心非淺鮮矣

一約定學規 尊賢容衆固云大道爲公汎愛博收
或開蓋觸之漸則員數之無邊廣也同心同德何
妨千百以爲羣一薰一蕕乃至一二所宜絕則始
進之無容濫也日有課月有程彼荒時愒日者規
條所必嚴也言動有誠出入有稽彼踰閑蕩檢者
繩尺所必謹也乃至薪火之需以時贍給毋令寒

薄士子嗟仰屋以無從墮玷之側防範宜嚴毋令
學內富舉之生傷外侮之莫禦凡此皆學中必設之規
日必有詳悉規條次第敷布其不敢纖悉以具陳
者固無庸越俎而代也

知府廖文英申詳減租文

康熙七年六月內詳為開新舊蹟事案照先奉前部
院蔡行前事查順治十八年內奉前撫部院張批前
任推官朱雅淳轉詳都昌縣洞租原係廢產有名無
實佃戶連年苦累請減緣由蒙批減租銀肆拾貳兩
奉批在案又查星子縣洞租新買吳蕓子田壹段土
名石山圩水浸荒蕪無徵共無徵租銀柒拾肆兩肆
錢肆分前推官巫之密申詳請委踏勘蒙委鄒教官
回詳批在案遵照星都二縣共蒙批減無徵銀壹
百壹拾陸兩肆錢肆分尚存徵取洞用修理款費較
年穀價賤高每石肆伍錢不等除完糧外尚存洞費

續後漸漸穀價平減佃戶疲憊逃竄前任知府王秉忠於康熙四年十一月內懇請蠲減家憲批每年以折徵叁錢行縣扣定銀數除完正糧漕米外其餘洞和銀陸百叁拾捌兩零存爲洞費祀典今康熙七年三月內據星子縣申詳據佃民龍時化等爲領天收民事又舉人楊宗翰錢正振等呈爲請復古制立久新規等事該本縣知縣劉理查看得洞田設立已久崇奉聖賢作養士類曩歲蔡部院加意培植取舊更新遂於原載每年貳錢之外加增壹錢原爲鹿洞起見第法因時立彼當日加增之時適值年荒穀貴每畝叁錢不意加增之後年豐價減石穀錢餘况洞田硃瘠除納糧外又有租銀歲之所入不償所出佃戶所以難也所以數年來從無完租竟成地方累局今據佃民龍時化等具詞懇求詳豁其情誠爲可憫爲今之計不如將所增之數槩行豁免其正額貳錢之數責令照數全完紳衿楊宗翰等裁減浮冗之議其說似屬有見懇賜轉詳減加增豁舊欠等情具由前來仍該本府查看得洞租逋欠蓋因曩歲重修洞學

暫議加增乃一時權宜且彼年穀貴每石價銀數錢
所以倍納亦不為過近年穀價甚賤輸納地丁正賦
兵米尚不能完而租穀仍加倍收取則田困於租
重而人逃人逃則田荒矣卑府到任以來檢查積欠
敢不竭蹶督催及查建昌一邑之洞租前任王知府
已代為請命蒙巡撫董軫念批准豁舊欠徵原額永
垂不朽惟是星子首縣洞租加增逋欠尚未邀恩故
星子縣佃民有疾痛籲天之愬舉人等有復古制頒
新規之請甲府俱未敢准詳後先送縣確查今據具
詳前來請緡舊欠照依原額徵新誠恐困故時之首
政也相應願請寬免舊逋如該縣所請伏乞憲示曉
諭免追逋欠普被洪庠詳 巡撫董批鹿洞田租原
為崇奉先賢并備修葺及資生儒學園而設今據詳
租重佃困人逃田荒則洞事廢弛即將增數裁除
照舊制以貳錢折徵其從前逋欠槩與豁免奉此又
具詳為申繳洞冊事奉巡撫董批據本府呈詳建昌
縣求減洞租緣由到府遵即轉行該縣確查徵租之
數造冊去後今據建昌縣具文申繳徵租完額

增米冊到府合就具文中報仰祈憲臺垂恩此免加
增之舊欠以便轉行該縣勒石永遠遵行等情詳完
奉批到府復該本府看得白鹿祠田星都建安四邑
照各田地之腴瘠按畝徵租階完正供漕南各項除
納入洞養士相沿舊矣迨後書院頽壞蒙前憲蔡行
令修理因洞租不敷其費遂有加增之行致節年進
欠有司追比無完前據星建具詳蒙已代爲申請蒙
憲開恩批豁新增照額徵舊惟查建昌縣接年除去
新增於舊額內尚有欠數不得再行催解足額該縣
具詳蒙憲批查理合具覆再照都昌洞田先經裁過
肆拾兩不許再申請免惟安義洞田新增未沐批豁
今據安義縣具詳前來相應一併開冊呈明應否起
豁在案該府遵行屬縣照復原額除完錢糧外每畝
照依舊制不許加增今將實徵星都建安四縣洞租
收支數目全盤打筭覺所入不敷所出理合從長酌
立定新規開列於後

一修理廟廡祠舍門牆桌櫬什物等項每三年修補
一次約支銀米拾伍兩貳歲額動支貳拾伍兩

一春秋二祭 孔聖先賢先儒廬嶽關帝諸葛顏魯公
等祠每祭動支貳拾兩歲額祭祀銀肆拾兩
一養士 查條款內止有任洞士子十名會文陸拾名
未免拘隘又遠方來學一條全無區畫而主祠副講
二席外添設儒官似屬冗濫且遠集儒生名目雖美
亦常有辨志考道工夫苟厯慕其遠來有名無實抑
或來歷不明則詩文才譽又奚取焉必先與副講接
見講論熟察果有學行能格遵先儒矩矱者方可引
見主洞此君子擇而後交之道也既入書院一體作
養

一考課甄別 洞中舉貢生童敦崇行誼講求經術爲
首務制執次之宋儒胡瑗皆設教蘓湖不尚詞賦制
立經義治事二齋經義齋聚通經有器局之士治事
齋人各治一事復兼一事出而筮仕往往取高第爲
政多適於用慶厯中頴湖學條科爲大學法可謂萬
世無雙然詞義雖仕進先資與學行相表裏故濂溪
曰文以載道不叔曰道勝者文不難而自至豈可以
月課成規而忽之但諸生在洞肄業府屬四縣遠近

貧富不一其各省遊學名士相資廣勵優劣亦不一
考課甄別正切磋之義不得不致詳也今每月止會
文一次支供餼銀貳兩課卷交副講先生詳加評閱
析別瑜瑕呈堂鑒定發崇一等賞銀叁錢爲廩米衣
布油燈鹽菜之資二等賞銀貳錢爲米鹽曲菜之資
又二等給米鹽菜油銀壹錢伍分三等免賞或一年
已過十二會其中未列二等者仍給米二斗雖稍分
軒輊使得單思學問漸圖駿進遠近一例歲額四季
支銀壹百肆拾肆兩

一副講月有講期會有批閱歲支硃墨轎傘供餼銀
叁拾兩

一刊刻文字查欵內每會刻文拾篇共費銀叁兩
支叁拾陸兩刷印紙張銀拾兩今查會文定刻十篇
未必俱可傳世似宜拔其有骨品有脉理有先正之
體裁章法者選刻庶不失爲天下第一大書院人文
每年彙刻一卷附於天下宗師考卷後以公海內其
刻資紙張照例支銀肆拾陸兩如無名世真文即不

必安災梨棗以耗物力
此銀留俟修志之用

一公費定額

知府主理洞學書院例有公費壹百兩

兩今查

上司使客勝遊公費未便裁減須將主洞

項下壹百兩

之銀不必動支仍酌留為學道考試

謁

聖講學之用其上司使客勝遊公費星子縣於

洞租內將伍拾伍兩陸錢壹分零支應歲終造冊報

府轉報院查施行

一在洞肄業供給

凡入洞肄業諸生每月支米三斗

府學教官每月查實在洞生員若干令門斗赴縣領

米給送諸生而月課賞格俱於考課甄別四季銀一

百四十四兩內開銷

知府倫品卓詳請修理鹿洞文

為酌修鹿洞以肅廟貌以妥聖靈以作士氣事天下

四大書院猶山之衡華水之河漢宗祀明禋代膺盛

典惟南康白鹿洞實唐空巖客隱居南唐昇元間卽
址爲廬山國學宋淳熙中自紫陽提唱開拓軍學請
勅賜額英彥蔚興後先麟炳所係於後學津梁者匪
輕近江陰李忠毅振鐸而後勝地荆榛人材消歇巡
撫蔡公張公聲之振之而教育規制則今部院集其
成祠仰三公聲蜚多士追金琢玉跨昔隆今年來歲
旱頻仍荏苒躑跡燥濕朽蠹風雨蒸淫豈直木腐而
石糜行見榱崩而棟折本府待罪殘疆謬兼洞任責
重有責焉斯夕不遑目規心計約補苴則一震百解

姑有待則草蔓煙沉當此捐無可捐助無可助卽令
檢括洞租不及四分之一追呼維艱措置莫策本府
勉厥心力求尺寸以圖之然登高之呼所有望於挈
裘而振領者也恭惟憲臺雲漢天章主持名教富五
百年之間氣作靈光殿之千城樞璇運心經綸在手
伏懇俯賜俞請若大成正殿彝倫宗儒文會諸堂先
賢三公二祠首需料理廊廡校舍鱗次修葺垣視
先庖廂視後使肄業於中者入廟思虔齋心有地
春秋霜露不寒先聖之春風棧樸賁鏞更景憲台

之秋日仰慰 師靈俯蒸馨鬣古人稱鬲呂之輝功
當不在禹下也奉提學道卽批云白鹿書院何爲理
學宗源古今勝地瞻 先師之廟貌識斯道之薪傳
詎曰廢興無聞斷續正當亟爲整頓以垂後學津梁
該府詳請葺治喜有同心應卽行確估申報以憑酌
量興工可也布政司姚批云白鹿書院爲考亭夫子
講學遺踪靈光所寓蘋藻猶香旣經學使捐資修葺
本司亦捐銀二百兩付該府鳩工以共勦斯舉按察
司李批修理白鹿書院誠不朽之盛事本司自應捐

助徵資共襄厥成仰鳩工庀材擇日舉行糧道李批
修葺鹿洞寔爲文教首務本道當量捐薄俸以襄盛
舉巡道李批修繕書院以廣教育但工程浩繁是須
衆舉本道量捐以佐一椽該府勤勞俟報完之日詳
院紀績可也